

建陽詩針



92518

道光拾年編

建陽詩鈔

留有餘齋藏本

叙

卷之

歲己丑十有一月因修志書之役輯為建陽詩鈔一書其明年春乃裒然成帙喜不自勝輒示人而強之一讀有告之者曰子之輯是書也欲因子而傳邑先輩之詩歟抑欲因先輩之詩而傳子也余曰有喜是書之成而適為傳鈔者詩為我傳也海濱傳鈔之煩而

建陽詩鈔

叙

一

出其錄不代之鵠者我為詩傳也而無其遇則我與詩俱不傳詩傳而速鈔者或忘我之名付梓者或易彼之名我無知之何也則詩傳而我仍不傳夫吾邑之照耀今古赫赫在人耳目間者非以詩傳非以人之詩傳而其傳仍歸於不傳者則未嘗無詩者又未嘗不編人之詩然則傳不傳於詩何與焉於

編人之詩者又何與焉我自顧率矣
可傳亦終不傳而已矣其能藉是書
以傳我耶且我不能必是書之必傳
也而又安能必我之以是書傳也曰
然則子之何樂而為此也曰饒則食
蹇則衣吾子適吾情焉久而安
必死人之相與傳之以為某已食而不
乎玆家我豈點首而後曰者筆一

建陽詩鈔

叙

二

枝有墨一池筆蘸墨以淋漓隨吾
意之所之區區之傳與否傳又奚信與
矣疑予曰然蓋女生言以為序
道光十年歲在庚寅春三月己丑
朔越十九日丁未槎生江遠涵
書於赤棠之東偏

例言

古者謠傳下里遠瘁輶軒冊判國風聿臚曹鄴畫以丹
山碧水倘亦大雅之所深許乎如謂齊右河西則非小
子之所敢知也

有唐取士三百年詩宜億萬閩川名士五十四集無二
三雖曰幸不幸亦其勢然耳吾邑登進士者自唐余周
京鎬始而乃隻字無傳正所謂無可奈何花落去也詞
此則中丞半首處士四章猶幸而得所託始焉

離騷作注惟寄託之思小學編詩後在就刪之列朱

建陽詩鈔

例言

子雖以詩人爲究不欲以詩人自居也文集所輯詩章
不下千首其見於程史堅瓠集鶴林玉露瀛奎律髓池
北偶談讀書樂趣千首宋人絕句及福建通志武夷志
等書者亦指不勝屈備錄則虞其脫腕謬選則不無遺
珠爰如舊志所載僅載其有關於建陽者依樣葫蘆之
誚在所不辭

文肅幾編半同夏五雲莊千紙購如冬官他如蔡氏九
儒勿軒文集猶幸而得觀全書未始非小子之厚幸也
然而搏鼠全力固未見其小衰窺豹一斑亦足徵夫大

雅略登三五聊備一家以其所重固不在此也

劍池成集

宋貫之有劍池編
康熙縣志未著錄

有景文之一序爲徵小園

吟詩以溪翁之片言爲定

事詳詩人玉屑

自是而外每多佳集

乃索鐵函於井底竟少殘編搜土偶之臍中都無片紙
唾壺擊碎徒喚奈何外此唯默齋遺稿恭蒙

四庫采入又以草茆微賤未能入嫗嬛而一探秘籍他日

有校書

天祿者幸續輯焉

夫商邱就國魯論書殷栗里吟詩綱目紀晉我勿軒先

建陽詩鈔

例言

二

生爲宋末一大儒觀其入元不仕第稱前進士某州司
戶參軍雖與日月爭光可也而元詩竟列其名省志不
躋於宋 雍正福建通志於人物則繫先生
於宋而藝文志時或列之於元 得毋聚六州
四十二縣鐵不能鑄此一錯耶欽遵

御纂四經

欽定三禮各卷首列引用姓氏之例仍歸之宋庶一池止水無

傷節義之心百世聞風猶動懦頑之慕

白雁飛來未逾百載區區一邑固宜其少傳集也然而

清江哀集轉囑序於侯芭藍澗刊詩亦借重於皇甫吾

謂鶴田一編總在潭陽百里而乃棘隱詩外他盡無傳
良可慨也

有明一代具有作者考之邑乘詩集孔多乃舍潭陽文
獻而外別無板本豈荆舒蠻服未能附列國之風抑屈
宋衙官無由登太子之選然則彥偉官雖不顯而雙槐
歲抄猶有所載未必非狀頭之力也雖然舜舉六集
王相字著有曾居御史之班仲理一編
仲理陳紀字著紀行錄等書
亦副按察之使究不能如贈張之猶存於浦城嘲游之
備錄於笑史則又何哉

建陽詩鈔

例言

三

吾邑自

國家更化以來涵渌

聖涯幾二百載淪肌浹髓齊興覺較之謠鑿井耕田不少康

衢之製無如口先世所藏盡付劫灰
庚辰七夕南門失火延數百家余家

舊在狀元坊之西街口亦燎然無存而耳目所及如吾友蒼培治若二君

者又復伯道無兒旣移花而接木香山留稿復霧散而

煙銷況等而上之能及夫耳目之所未及耶若袁彥穎

之旅嘯朱雲文之燕遊今日已無有知之者能不悲哉

嗟夫珠求水底非無圓折之踪劍躍腰間徒悵延津之

側爰就所知載之於簡其餘則與現在諸君子之所
作並俟來者

無蔬筍氣久爲東坡所推有林下風迺入西清之集是
以臨水千尋棲煙一點池上鷺早與百句圖同爲詞壇
所膾炙也雖河分岡勢一聯嘗見譏於文兆而湘山野
錄亦已辨之甚晰矣自是而後闐然無人非等諸自節
以下亦蒲團座上不復參文字禪也

詩餘別爲一體要爲有韻之言則一也梅花一闋何亞
於疎影橫斜聞思全詞尤衷於發情止義任口宿須句
建陽詩鈔

例言

四

列之附庸可也

在昔單詞膾炙有如紅杏尙書十聯遴選共羨金華學
士楓落吳江之句正未可以全篇少之也荔鄉先生不
云乎披沙揀金搜者旣矜爲創獲揮犀捉麈覽者各歛
厥新聞

傾心有季子魯庭備列國之詩瑣尾如黎侯鄘邦列寓
公之什蓋往來贈答原多舊雨之詞林麓徘徊何必土
風之守借材異地可以無嫌此則外編之所由輯也

吾邑自范汝爲陵轍以來屢遭兵燹發塚盜誰言有道

名士賊畢竟無人加之麋竺無家我怨秦皇之火馮夷
肆虐人翻米芾之船間有鄴侯之藏恪守杜公之戒門
有限而難越瓶載酒以奚投蓋自徐芸圃前輩暨陳玉
溪陳竹友傅穆如虞立敬徐雲門徐瀛士數君子而外
唯傅雲航略以未見書假我也以故所采寥寥誠難免
於罍漏之譏博雅君子幸賜教焉

吾家故有讀史浪吟一編五七言古詩凡三四百首得
之考亭張氏蓋龍川令張君奇謨之所作也乃考之志
書閱其家乘則乙科甲第未審其入官之由此盼彼疆

建陽詩鈔

例言

五

不識爲何朝之士又復飽之書蠹始則一室塵封災有
畢方繼乃片時煙滅古今文人之不幸類如斯耶雖曰
挾摘無遺遠煩六丁之取亦已恨慚交迫難記三篋之
亡惟白頭宮女歎七言古風一首吾兄猶能髮髯謂其
詞爲沈博瑰麗之詞其音爲頓挫瀏亮之音惜未能爲
之一一記憶也嗟夫火光燭天十年猶有餘痛金聲擲
地此時都付劫灰天耶人耶其何以爲龍川解耶予之
輯是書也原以抱殘守闕之思爲微顯聞之舉用詳簡
端以俟知者

槎生謹識

建陽詩鈔

潭陽江遠涵槎生氏彙輯

姪錦雯
潘鐘男常懋校字

遠涵兄遠青字

受業

曾共徐徑云

徐有鑿 雲展

圃同修建陽縣

陳大本 椿崖

志多有叢桂軒

梁政家 亦政

詩集于既以考

徐有欽 亮工

予稍歌堂集心念

陳大中 禮卿

建陽詩鈔

姓氏

叢桂軒詩不已他日

徐有鑿 友筠

或曰一膏一併快

龔友璫 伯卿

詩也



陳大和 樂卿

陳邠 右圖

傅梅 修梅

江錦

徐慶椿 靈生

黃錫桓 冠侯

五代

江

為

字未詳傳詳縣志或以為吳與令淹之後或以為建陽令洪之後今并其世系亦莫考矣

不識其派於遠涵云何遠涵家譜早經兵燹無從考證散集中所載家中丞君章以下諸詩人均不敢妄言為幾代祖也

岳陽樓

倚樓高望極展轉念前途晚葉紅殘楚秋江碧入吳雲

中來雁急天末去帆孤明月誰同我悠悠上帝都

唐詩紀事

遷客

明月孤舟遠吟髭

一作

更華天形圍澤國秋色露人

建陽詩鈔

卷上

二

家水館螢交影霜洲橘委花何當尋舊隱泉石好生涯

瀛奎律髓

隋隄柳

錦纜龍舟萬里來醉鄉繁盛忽塵埃空餘兩岸千株柳

雨葉風花作恨媒

潭陽文獻

按開書載此詩為江鈺作鈺字貴叔崇安人而馬令南唐詩又載此為江為作

臨刑詩

時王氏政亂為有故人任福州官屬恐禍及一旦亡去將奔江南乃閒道謁為為

之草投江南表其人未出境遭邊吏所擒并符所撰表於是收為為臨刑詞色不撓且曰瘡康之將死也顧日影而彈琴吾賦一詩可矣聞者傷之

衙鼓催人急西傾日欲斜黃泉無旅舍今夜宿誰家五代

補史

按文獻通考亦謂為為王氏所誅而南唐書謂為詣金陵求舉屢黜於有司為快快不能自已欲東亡吳越會同謀者上變按得其狀伏罪與此所載畧異又按明董穀碧里雜存亦載此詩為孫贇事又衙作囂傾作山旅作客三字少異今併錄其事於此孫贇字仲衍號西菴五羊人為翰林典籍無書不讀詩高古坐為藍玉題畫誅臨刑口占云云後聞於太祖遂誅監斬者曰如此好詩不覆奏何也

黃子稜

東觀山居

青山一作木笏尙初官未老金魚是等閒世上幾多名

建陽詩鈔

三

將相門前無此好溪山市樓晚日紅高下客艇春波綠

往還人過小橋頻指點全家都在畫圖間康熙縣志福建通志閩

小紀

宋

李虛已字公受太平興國八年進士官至工部侍郎府志作建安人傳詳縣志

次韻和內翰楊大年見寄

鼇冠三峰碧海寬雲謠初下藹芝蘭探珠宮裏驪龍睡

織錦機中彩鳳盤藥砌蒼苔錢作點粉牆脩竹玉為竿

閒從莊蝶親鳧舄曾得安期九轉丹

次韻和汝南秀才遊淨土見寄

長松繫馬放吟鞭
水殿沈檀一炷煙
苔破閒階幽鳥立
草芳深院老僧眠
桃花欲放條風後
茶蘖新供穀雨前
衰會賞詩多狎客
我無岐路近神仙

建茶呈使君學士

石乳標奇品
瓊英碾細文
試將梁苑雪
煎動建溪清

味通宵在餘香
隔座聞遙思
摘山日龍焙
未春分

瀛全律隴

宋稗類鈔云公受少從江南先達學為詩後與曾致堯倡酬會每曰公受之詩雖工恨啞耳公受初未悟後得沈休文所謂前有浮聲後有切響遂精於格律以其法受其壻晏元獻元獻以授二來自是

建陽詩鈔

四

遂不傳然江西諸人每謂五言第三字七言第五字要響亦此意也

江

任景德二年進士官秘閣校理知秦州有詩名傳詳縣志

題羅昭諫詩集

一樣園林聽曉鳩
錢唐江上李花稠
那堪風雨瀟瀟夜

回首長安春亦秋

熊知至

字意誠一字至之天聖間五領鄉薦不第遂歸隱薺峰以詩文鳴世傳詳縣志

贈玉山人

閒桂瘦枝節衣冠
半異時入城人不識
賣藥俗長疑飲

酒難逢醉餐松自止
饑華峰千嶂裏常與白雲期

贈推真上人

天階曾授紫袈裟，卻返雲林著素麻。滿目秋光為故舊，

一庭莎色是生涯。蘂塵輕惹圖松壁，蛾粉微粘罩燭紗。

長擬策筇尋古寺，汲泉敲火為煎茶。翰墨大全

陳升之原名旭，以字行。更字叔暘。景祐元年進士。累官樞密院卒。贈太保。中書令。封秀國公。諡成肅。

希賀堂在武夷四曲金雞洞之陰

浮世何嘗有定居，愜情便可著茅廬。久知名利為韁鎖，

愛此溪山作畫圖。種菊疎籬效陶令，栽梅淺水像林逋。

建陽詩鈔 五

只須此處延風月，休問君王乞鑑湖。徐表然武夷志

陳洙字思道。慶厯二年進士。嘉祐中同知諫院。以上建儲疏。遂仰藥死。自明其無所說也。傳詳

縣志

遊雲際山在昭武光澤縣

清曉捫蘿踏嶺雲，寒風飛溜濕衣巾。上攀霄漢無多地，

直視城闌幾點塵。古木半陰藏宿霧，山禽相語厭遊人。

明年更補闕中吏，來看桃花爛熳春。瀛奎律髓

弔江為處士

處士亡來幾縣志百年，舊居牢落變祇園。詩名長伴江

山秀冤氣上摩星斗昏臺榭幾人留雅句漁樵何處問
曾孫當年泉石生涯地日暮寒雲古寺門

藝苑雜錄
康熙縣志

詩人玉屑

藝苑雜錄黃謂處士以說死其故居留題者甚衆惟陳師道一篇最佳○處士之有揚徽之有哭處士詩云廢宅寒塘水荒墳宿草煙亦贈衆人口散之蒲城人卽所謂誰似金華楊學士十聯詩在御屏風者也

翁

續

字伯玉號苕濱皇祐五年進士著有潭陽子集

雪

北風侵耳不禁寒擁衲烘爐酒量寬半剩半吞聊自醉

雪花一任疊層巒

潭陽文獻

建陽詩鈔

六

陳

軒

字元興嘉祐二年進士第二人累官龍圖閣直學士傳詳縣志

過乘鵝祠下

劉氏女寧化縣人生不茹葷艷而慧喜文辭九齡與羽人談道自誓不嫁

及笄父母以許石門何氏卜吉強行淡粧就車劉氏聚族送之甫越境忽有白鵝從天下乘之飛去莫窮所往衆異之創祠乘鵝之地郡守陳某過其下題詩云云

白鵝乘去人何在青鳥飛來信已遙若使何郎有仙骨

也須同引鳳凰簫

閩書

寧化縣志

贈真覺添志大師

車輪馬足袞風煙競看成都萬炬燃獨我踏開庭下雪

伴師同坐一庵禪

閩書

冶城

城裏三山古越都樓臺相望跨蓬壺有時細雨微煙罩
便是天然水墨圖

蒼玉洞

截斷蒼天百尺崖崢嶸相倚洞門開天生祇福紅塵隔
不礙浮雲自往來俱福建通志

江

側字處中熙寧六年進士歷知饒信洪三縣事嘗讀書石壁山所謂集公山卽其事也傳詳

縣志

村居用黃端公韻

建陽詩鈔

七

射策歸來不羨官黃梁未熟夢先閒一年風月常依水
四面松杉半露山碧苕交牽魚自樂青煙點破鶴初還
若教雲氣橫斜抹便是蓬壺閬苑間雪臆漫錄

陳師錫

字伯修熙寧九年廷試第三歷官殿中侍御史出知穎廬滑三州坐元祐黨削職後追贈左諫議大夫直龍圖閣傳詳縣志

題李公麟畫歸去來圖

有雪實和尚親書偈

百中神鋒誇妙手當時破敵祇同機餘花墮滅無人見
半偈流觴豈易知志雅堂雜鈔

江

立字伯穎側之子有文學工詩熙寧九年進士官左朝奉郎以吏治受知於司馬文正

桃源

十里紅塵五里霧，洞口桃花才半樹。好風吹來猶點衣，借問漁郎渡不渡。幔亭峰頭雲蒼蒼，武夷煙水何茫茫。不聞仙子歸故鄉，年年祇有桃花香。

冬初再至桃源

桃源洞口日西斜，萬點深紅照暮霞。可是江郎能辟俗，青楓都變碧桃花。

題河梁泣別圖

行者必行留者留，河梁對泣未能休。他生願嫁長安野，

建陽詩鈔

八

相與鋤雲到白頭

雙溪月色

月未昏黃水未波，清光潑射此間多。不知河古牽牛地，

萬頃玻瓈更若何

雪牕漫錄

游

備

字憲武

金精山歌

皺帟感鳳金屈盤，秦釵口鬢香添寒。洞庭波橫嬌不起，舞娥拂桂棲孤鸞。寶口口色元宮闕，碧峽瑤草春漫漫。霜刀如泥割蒼玉，綃閣綺白日閒。楸花紅飛洞雲濕，

驚雷挾空老蚪泣崖前紅落霞不流縞衣丹使杓衡急
君不見石髮流漿翻柱礎弱水液橫天上兩西方七宿
樓檜熒長沙地遠豐鐘鳴

游氏藏本

游儀 字伯莊長平之勝士也

題黃鶴樓

默齋嘗書真南樓受齋漕湖北日復爲之刻石

長川巨浪拍天浮城郭相望萬景投漢水北吞雲夢入

蜀江西帶洞庭流角聲交送千家月野色中分兩岸秋

黃鶴樓前人不見卻尋鸚鵡過汀洲

詩人玉屑

按毘陵開筆載此爲游景仁作景仁南渡四賢相之一也

建陽詩鈔

九

游

字定夫號廣平元豐五年進士歷官監察御史知和州漢陽軍嘗從程子遊程門四先生

公其一也學者稱焉山先生傳詳縣志

歸雁

天末驚風急江湖野思長悲鳴愁絕塞接翼冒風霜澤
岫多繪弋雲間乏稻梁茫然棲息地飲啄欲何鄉

感事

世事浮雲薄勞生一夢長散材依櫟社幽意慕濠梁風
激鷹鷂迅霜殘草木黃投閒如有約早晚問耕桑

誨子詩

三十年前宿草廬五年三第世間無門前獬豸山常在
只恐兒孫不讀書

潭陽文獻

錢別賀方回分韻得歸字

邀客十分飲送君千里歸情隨綠水去目送白鷗飛松
菊今應在風塵昔已非維舟後夜月能不重依依

不如歸去

嬌絲喚新樹怨紅辭故枝東君捨我去日暮空山啼

山中卽景

翠靄光風世界青松綠竹人家天外飛來野鳥澗中流

建陽詩鈔

十

出桃花

寄中立

蕭條清穎一茅廬魂夢長懷與子居五里橋西楊柳路

至今車馬往來疎

原註中立詩有可能鞭馬復來無之
句游氏藏本

按游氏藏本六水藏本諸籍及黃冠徐知常緇流傳
昱等詩俱得之於辛卯初秋距是書之成已年餘矣
故例言云爾而亦不復追改也

范致虛

字謙叔元祐三年進士歷官資政殿學士卒
贈銀青光祿大夫傳詳縣志

題保祿寺鐵龍亭

數載詩書居保祿至今常是憶單溪幾偃石甕憑欄在

靜聽山禽遶樹啼巖溜潺湲清入骨林中紅白間行隄
吟詩聊寫遙相寄爲向鐵龍亭上題

潭陽文獻 疑多 誤字

按謙叔著述不傳今可考者唯龍威秘書四六文一篇及此詩而已

江 錡 字全叔宣和三年進士歷官徽猷閣學士多著述胡致堂爲誌其墓傳詳縣志

菊

菊秉幽人操花開氣更迥香中饒別韻瘦極慣經秋

漫錄

雪 牕

劉 淮 字叔通號溪翁紹興二年進士有詩名朱文公嘗與倡和趙昌父諸人俱稱之傳詳縣志

韓侂胄故第

建陽詩鈔

士

寶連山下韓家府鬱鬱沈沈深幾許主人飛頭去和虜
綠戶雕牆鎖風雨九世卿家一朝覆太師之誅魏公辱
後車不信有前車突兀眼前看此屋 四朝聞見錄

平遠臺

海天漠漠水雲寬開到梅花正有寒卻擁重裘上平遠

愁心千疊倚闌干

朱子 各口字元晦一字仲晦登第五十年仕於外者僅九考立朝纔四日自文公去國禁僞學日

益急而文公日與諸生講學不休其爲學大抵窮理以致其知反躬以踐其實而以居敬爲主門人黃勉齋曰道之正統待人而傳由孔子而後曾子子思繼其微至孟子而始著由孟子而後周程張

繼其微至朱子而始著識者以爲知言傳詳縣志

登廬峰

廬峰一何高上上不可盡我行獨忘疲泉石有招引須
曳出蒙密矯首眺無吟已謂極崢嶸仰視猶隱嶙新齋
小休憩餘力更勉暉東峰切霄漢首夏正淒緊杖策同
攀躋極目散幽窞萬里俯連環千重瞰孤隼因知平生
懷未與塵慮混歸塗采薇蕨晚餉雜蔬筍笑謂同來人
此願天所允獨往會淹留寒棲甘葍蠹山阿子慕子無
憂勤回軫

建陽詩鈔

十一

爲邱子野題芹溪小隱

省志

我來屏山下奔走倦僮僕亭亭日已中冠巾濕如沐訪
我芹溪翁解裝留憩宿茗碗淪甘寒溫泉試新浴抖擻
神氣清散步指筇竹廬峰在瞻望隱隱見雲谷頓覺塵
慮空豁然洗心目君居硯山西高隱志不俗窗几列琴
書庭臯富花木往來數相過主賓清意熟開樽酌香醪
馨歎話衷曲從容出妙句滿幅燦珠玉邀約登赫曦襟
期伴幽獨茲遊得良朋道義推前夙扁字爲留題深愧

毛錐秃

寓浮翠亭用劉叔通韻

弱植有孤念，獨往窮名山。那知歲月逝，白首塵埃間。今
朝定何期，憑高眺清灣。羣賢亦戾止，共此一日閒。晤言
不知疲，林昏鳥飛還。勝踐可無紀，重來諒非艱。留語巖
上石，毋使門常關。

卜居西山

卜居屏山下，俯仰三十秋。終焉邨墟近，未愜心期幽。近
聞西山西，深谷開平疇。茅茨十數家，清川可行舟。風俗
頗淳厚，曠土非難求。誓捐三徑資，往遂半畝邱。伐木南
建陽詩鈔

三

雲谷二十六詠

寒雲無四時，散漫此山谷。雲谷幸乏霖雨資，何妨媚幽獨。

危石下嶢嶢，南澗高林上蒼翠。中有橫飛泉，崩奔雜奇麗。

峰回危徑轉，垂練忽千尋。不爲登山倦，躑躅秋澗陰。

白雲去復還，黃塵到難入。只有澗水聲，出關流更急。

亭亭玉芙蓉，迴立映澄碧。只愁山月明，照作寒露滴。

南起雲關口，縈紆上草堂。天風發清籟，山月度寒光。

小邱橫翠几層嶂復嵯峨釋耒閒來看巖姿此處多

雲莊

入關但平田復得此清響何必問仙源神襟一蕭爽

泉峽

兩崖蒼峭石護此碧滂寒秋月來窺影驪珠吐玉盤

石池

山楹一帳望恨此雲逃谷仙人不可期縹緲雙髻綠

山楹

長饒劇靈根蒔此泉下圃珍劑未須論丹萸已堪煮

藥圃

山高澤氣通石竇飛靈液默料谷中雲多應從此出

井泉

畚田種胡麻結草寄林樾珍重無心人寒棲弄明月

西寮

憶昔屏山翁示我一言教自信久未能巖棲冀微效

晦巷

青山繞蓬廬白雲障幽戶卒歲聊自娛時人莫留顧

草廬

建陽詩鈔

古

山臺一揮手從此斷將迎不見塵中事惟聞打麥聲

揮竿

四望多奇峰北瞰獨仙府欲致武夷君石壇羅桂醕

樓仙

自作山中人卽與雲爲友一嘯雨紛紛無勞三奠酒

雲社

澗裏春泉響種桃泉上頭爛紅紛委地未肯出山流

桃溪

悄蒨桃溪北蕭森竹塢陰不堪秋夜永風雨助悲吟

竹塢

舊聞南華仙作吏漆園裏應悟見割憂嗒然空隱几

漆園

攜籬北嶺西采擷供茗飲一啜夜心寒跡跌謝衾影

茶板

當年赫曦臺移治在茲嶺寥廓無四鄰三光疑倒影

絕頂

土斷川亦分北下成陰澗秀石得佳名服膺吾敢慢

北澗

南下東嶺河云是中溪道巖樹愛樛枝石田悲蔓草
中溪 休誌

別嶺有幽廬林巒亦幽絕無事一往來茶瓜不須設 觀西山懷嶽麓作

風月平生意江湖自在身年華供轉徙眼界得清新
試問西山雨何如湘水春悠然一長嘯妙絕特無倫

雲際寺別許順之

府志

薄暮投花縣聯車入翠微長林生缺月永夜照寒扉
情話欣無斃離懷悵有違勉哉疆毅力千里要同歸

廬峰

建陽詩鈔

五

循澗躋危磴披雲得勝遊蓬茅增舊葺竹樹喜新稠
夢想三秋別徘徊十日留餘年端可料此地欲長休

黃楊山和邱子服

子服子野弟名膺洛田里人從朱子遊傳詳縣志

心期萬壑與千巖屢向君詩得指南久恨冷然歸宿諾
偶同兀者便同參倘蒙大藥分金匕豈羨奇方出玉函

誰識留連今夕意沈疴未散莫回驂

元註子服數有詩言黃楊之勝未及

往而得足疾故有兀者句是夕以坐客霜寒急歸故有末二句云

西山二首

城中望西山掛頰空朝暮不到列岫亭詎知親切處

東西水平分南北山中判妙處毫釐間商量無遺算

芹溪九曲詩

一曲移舟采澗芹市聲只隔一江雲沙頭喚渡人歸晚
回首廬峰月一輪

二曲溪邊萬木森水環竹石四時清漁歌擢入斜陽裏
隔岸時聞一兩聲

三曲舟行龍尾灘推蓬把酒見南山回頭檢點仙蹤跡
萬頃白雲時自閒

四曲煙雲鎖小樓寺臨喬木古溪頭僧歸林下柴門靜

建陽詩鈔

六

麋鹿啣花自在遊

五曲峰巒列翠屏白雲深處隱仙亭子期一去無消息

惟有喬松萬古青

六曲溪環處士家鼓樓巖下樹槎枒潭空龍去名常在

府志作龍去潭空名不朽

時見平汀湧白沙

七曲靈祠瞰水濱聚魚石上躍金鱗林凹路入桃源近

時有漁郎來問津

八曲硯峰倚碧虛泉流瀑布世間無憑誰染就丹青筆

寫出芹溪九曲圖

九曲悠悠景最幽，巉巖石峽東寒流。源深自是舟難到，更有龍池在上頭。

奉和子服老翁黃楊遊巖二首

府志

聞道黃楊山上頭，千峰環抱百泉幽。羨君柱杖年年去，飽看人間萬頃秋。

游洲巖下水冷，冷枕石何妨夢裏聽。要與他年成故事，謾尋幽處著新亭。

唐石雪中

春風欲動客辭家，霖潦縱橫路轉賒。行到溪山愁絕處，

建陽詩鈔

七

千林一夜玉成花

以上康熙志

叔通老友探梅得句垂示，且有領友攜壺之約。

迎霜破雪是寒梅，何事今年獨晚開。應爲花神無意管，故須我輩著詩催。繁英未怕隨清角，疎影誰憐蘸綠杯。珍重南鄰諸酒伴，又尋江路探香來。

香一作春

奉酬邱子野表兄飲酒之句

子野名義傳詳縣志

微福不充體，寒夜懷重衾。古來窮廬士，歲暮多苦心。苦心亦何爲，世路多崎嶇。不藉杯中物，離憂坐自侵。舉杯當勿辭，何爲復沈吟。醺酣遺所拘，神慮契遐襟。荒酒思

前戒歡謠發清音雅唱一何高仰酬非所任申章聊敘
報洪量亦余欽

邱子野表兄郊園五咏

欲識淵明家離離疎柳下中有白雲人良非遜世者

結椽遂茶芳植覆牆擁深翠還當具春酒與客花下醉

移自溪上園種此牆陰路牆陰少人行來歲障幽戶

芭蕉植芭蕉檻勿云憔悴姿與君障夏日羽扇口復持

花柳遠宅荒圃茂先生在郊居下帷良已苦時作帶經鋤

邱子服來訪道間得古梅折以爲贈劉叔通江文

建陽詩鈔

六

卿俱來各有佳句因各次韻爲答三首

子服各
膺傳詳

縣志

老枝橫出數花新誰寄寒齋雪夜春江路猶應有幽伴

祇愁難得賞心人原註用子服韻

獨樹臨孤岸橫枝放淺花不須煩驛使正耐雪斜斜原註

用叔通韻

西湖居士尋詩處今墮軟紅車馬塵半樹橫枝空好在

只因無地覓高人原註用文卿韻

寄江文卿劉叔通文卿名未詳

文卿句律如詩律通叔詩情絕世情政使暮年窮到骨
不教吟出斷腸聲

詩人從古例多窮林下如今有兩翁應笑湖南老賓友

兩年吹落市塵中

原註此戲子蒙恐落窮籍不便可發一笑也

我窮初不爲能詩笑殺吹竽濫得癡莫向人前浪分說

世間真偽有誰知

原註儂不能詩往歲爲澹菴胡公以此論薦平生僥倖多類此云

和劉叔通懷游子蒙之韻

扣角聽君悲復悲壯心未已欲何之交游半落邱山外

離別偏傷老大時尙喜淵潛容賈誼不須日飲教袁絲

建陽詩鈔

九

病餘我更無膠賴勉爲同懷一賦詩

原註余素不能作唐律和韻尤非所

長年來追逐似覺牽強子服乃令更爲手寫此三詩者不知欲以何用晨起書罷欲記歲月方覺是庚申開基節日此亦難逢之會感嘆久之

次劉明遠朱子飛反招隱韻二首

先生留落歲時多氣湧如山不易磨卻學幽人陶靖節

正緣三徑起絃歌

榮醜窮通祇偶然未妨閒共聳吟肩君能觸處真齊物

我亦平生不怨天

挽范直閣二首

直閣名如圭字伯達建炎開進士嘗以書抵秦檜直數其罪傳詳縣志

獻納陪興運如公衆所期憂時最深切信道不磷緇落
落歸來賦忽忽殄瘁詩菟裘當日計宰目後人悲

先友多名士存亡幾許人唯公且彊健於我更情親出
處論心晚音書枉誨頻素車今日會誰與共傷神

次韻伯崇登滕王閣感舊蓋聞往時延閣公拜疏

於此云

伯崇名念德如圭子從朱子遊傳註按伯
達父名舜舉子念祖念德念茲見朱子
所作墓誌銘范氏譜謂伯達爲致虛子念茲爲
如璋子俱誤

金闕銀臺夢想中樓前拜舞阜囊空十年殄瘁無窮恨
歎息今人少古風

建陽詩鈔

二

過澗陂日晴意可喜至暮復雨伯崇有詩因次其

韻

客裏歲云暮我心殊未平悠悠惜往日鬱鬱懷平生况
復久陰雨喜茲霜曉明那知不終日又作瀟瀟聲坐厭
泥塗辱空嗟鴻雁輕

次季通韻贈范康侯

朝霜逼凋梅夕露忽團菊百年風雨過宜笑不宜哭口
川失自防心兵幾回觸年來身老大甘此跨下辱永謝
五鼎烹聊寄一瓢足雖慙龍蟠泥肯羨鶯出谷適意超

混茫放情遺結束俯仰天壤間靜勝惟我獨蒼蒼有心
柏落落無瑕玉年紀尚無聞頭顱豈須卜

雲谷懷魏元履

元履名拔之一字子實與朱子友善乾道中以布衣陳策賜同進士

出身為太學錄屢言朝政不報請歸乃日居良齋除理舊聞以求其所未至嘗依古社倉法請官米以貸民民賴之病革時不巾不敢見母卒贈直秘閣學者稱良齋先生傳詳縣志

歎息良齋老當年共此來千峰奇絕處一望興悠哉病
怯披雲臥詩勞擁鼻裁祇今何處所宿草悶餘哀

次呂季克東堂九詠

季克名勝已尚書安老之子安老以死節赦葬邵武季克

因家焉傳並詳縣志

建陽詩鈔

三

傳得希夷九卦圖歸來不復夢榮途野堂竟日無人到

讀盡牀頭種樹書

高臺巨勝意何如住此知非小丈夫浩氣擴充無內外

肯誇心月夜同孤

一室歸來萬事新窗間橫竹掛朝紳九流未讓園機士

四海穴慙巧宦人

蒲團竹几睡膏騰客問君今幾折肱身世兩忘無可答

起尋詩句遶階行

聞道移根玉井傍開花十丈是尋常月明露冷無人見

獨爲先生引興長

月臺

臺上無人伴苦吟歸鴉過盡日西沈須臾玉匣開塵鏡

卻有孤光共此心

菜畦

雨餘菜甲翠光勻杞菊成畦亦自春骨相定知非食肉

可能長伴箇中人

海棠屏

蜀樹成行翠作圍花開時節更芳菲主人夢亦尋春去

栩栩深穿錦障來

桐屏

君家池上幾時栽千樹玲瓏亦富哉荷盡菊殘秋欲老

一年佳處眼中來

建陽詩鈔

五

聚星落成致政陳丈舉酒屬客出示新詩而仲卿

朝瑞及劉范二兄相與繼作某幸以卜鄰得陪

勝集率爾次韻聊發一笑

聚星堂陳氏作在考亭今廢

適親得範仰循循遽喜名章肆筆成賸說臺高今勝昔

極知星聚暗還明當家翰藻爭春麗上客詞源徹底清

更共鄰翁閒指點千峰環合水無聲

俱潭陽文獻

宋

翔

字子飛一字志騰紹興二十一年進士官至朝散大夫創造童遊橋傳詳縣志

燈詩

時七歲

耿耿照幽房螢螢鶴燄長昔年江上女曾向乞餘光

蔡元定

字季通師事朱子而朱子以老友稱之僞學禁起謫春陵死及韓侂胄伏誅始贈迪功郎賜諡文節嘉靖九年詔從祀

啟聖祠傳詳縣志

謫道州別諸友詩

天道固冥漠世路尤嶮巇吾生本自浮與物多瑕疵此
去知何事生死不可期執手笑相別無爲兒女悲輕醇
壯行色扶搖動征衣斷不負所學此心天所知

蔡氏九儒書

蔡氏九儒書盛行於世不必另錄錄此以見先生之慷慨就道卽丈公所謂不屈之志也

游次公

字子明號西池范成大帥桂林日嘗辟之參闕幕

題畫虎圖

建陽詩鈔

三

平生射虎裴將軍馬悍如龍弓百鈞手撚白羽傍無人
注虎使虎不敢奔須臾叢薄爛斑出人馬不知俱辟易
矢如蓬蒿弓減力將軍得歸幾敗績徐行爪牙原不露
眈眈垂頭若微顧尾剪雪風林葉飛倏忽山頭日光暮
包家畫出真於菟我尙不敢編其鬚昔人作詩譏畫圖
吁嗟畫圖今亦無

事文類聚

漁父

竹裏茅檐竹外溪粼粼白石護漁磯想應日日来垂釣
石上蓑衣不帶歸

未陽道中

山頭磴石危梯險山下荒田野鳥悲更著秋風吹兩鬢
不消幾日盡成絲

游氏藏本

游

開 字子蒙傳詳縣志

黃陵廟

黃陵廟前湘水春春煙愁殺渡湘人人隨歸去應無迹
水遠山長歌又新

詩人玉屑

和韻劉叔通探梅

昨夜劉郎扣角歌朔雲寒雪滿山阿朝來笑向梅花問

建陽詩鈔

三

可是春風夜半多

邴鄭向嘗依北海晁張今復事東坡吹噓合有飛騰便

未許溪頭買釣蓑

游氏藏本

祝

穆

字和父新安人朱子之外弟少孤依朱子晚居建陽麻沙水南所謂南溪棹隱是也傳詳

縣志

南溪棹隱歲寒二大字跋

豫章偃蹇納蒼龍姿幹寧須石匠逢借問歲寒雲谷字

絕勝松拜大夫封

事文類聚續集

劉

燭

字晦伯朱子之高弟也乾道八年進士歷官工部尚書卒贈金紫光祿大夫諡文簡伯食

送王子文宰昭武

子文名埜昭武卽邵武

樵川古樂國誰遣生榛管往事忍復言念之輒長歎子
往字其民寄任亦良艱傷哉周餘民十室九孤鰥深心
察痾瘥摩手蘇痲瘕願加百倍功勿作常時看

熒熒匣中龍爛爛巖下電紛紜揮霍間坐觀百千變雖
然事幾微易矚亦易眩慢從快處生理向靜中現健決
要安徐聰明貴韜斂潛齋有愚言或可代箴砭

百練或繞指粹白俄成緇有初諒非難其難在終之道

建陽詩鈔

五

心眇絲粟易爲羣物移不有精一功誰能勝安危子今
如玉雪瑩潔無少疵願言保令德歲晏以爲期

福建通志

仙學堂

蒼崖闕仙館時有讀書聲餘韻出雲表泠泠清風生從
之不可得悵望傷我情

武夷志

吳明老

字未詳傳詳縣志

西風

西風颯颯動長林斗酒沽來伴月斟慷慨未應憂禔禍
悲歌原不爲秋砧誰云塞馬年年健自是君門浩浩深

世祖神丰似高帝楚囚珍重莫沾襟小園題迹錄

方士繇

字伯馨號遠菴莆田人父娶建陽呂氏女伯
暮少孤依母家後遷崇安從朱子遊卒陸放
翁為誌其墓傳詳縣志

武夷

丹崖石氣凝高秋碧溪上引天河流金堂石室不可到

玉館莓苔生古愁仙人昔乘紫雲去白馬瑤鞭在何處

茫茫塵世那得知幔亭空記當年事君不見茂林松竹

已蕭疎乾魚猶祭同亭祀

徐表然武夷志

熊以寧

號敬軒淳熙五年進士官光澤主簿少嘗從
朱子遊傳詳縣志

建陽詩鈔

三

挽叔祖母呂碩人

旅殯胡塵裏淒涼七十春望雲長在念對食幾傷神鳥

哺追思切鼇峰卜兆新西風悲楚些誰不淚沾巾

熊節

字端操號復齋原名汝舟字元用嘗師事朱
子登慶元五年進士傳詳縣志

彭和中賑糶

仁者人之心無此非人爾其道固難盡強恕斯可矣君

以如心名必有見於此嗟哉人不仁為富直到死豈皆

為身謀多為孫與子假令繼世賢已自能立已何待厚

遺之買田遍鄉里不賢徒多田害之自此始幾多千金

家破壞棄厥址由斯靜觀之貪心自可已信哉吾和中
聞善卽嘆美捐粟食飢民看破世俗鄙仁者必有後與
人已稱紀晉公昔厚施責報數十將復見君家槐庭
陰蔽芾

馬子嚴

字莊父號古洲博涉經史工詩文尤長於詞

烏林行

荆州兒曹不足恃何物老瞞欺一世兵書浪語十三篇
不料烏林出奇計隆準雲孫驅伏龍紫髯強援要江東
戈船植羽蔽寒日雪浪崩崖驚晚風行間一卒如兒戲
建陽詩鈔

一七

持火絕江人不意灰銷漢賊終老心功入喬家少年墮
君不見華容道旁春草生魂銷不聽車馬聲哀猿夜啼
霜月冷空餘野磷沙邊明

鶴林玉露
詩紀事

詩人玉屑
朱

按宋詩紀事堅瓠集俱謂古洲爲建安人而同時韓
南澗先生爲作好仁齋銘序中有建陽馬某之語見
南澗甲乙集似更可據故錄之

游九言

字誠之一字訥夫原名九思以祖廕舉江西
漕司進士第嘗從張敬夫遊多著述學者稱
默齋先生卒贈直龍圖閣諡文端傳詳縣志

毛竹洞

毛竹連雲路欲逃洞門深銷落花遲曾孫幾度春風老

未了仙人一局棋 徐表然武夷志

題上監西堂秀老壁

槎枒比老是枯松
衲被寒窗百病攻
贏得雪霜皮骨在
好看桃李笑春風

金陵廢寺

寒花嫋嫋蔓頽牆
古寺苔蒼畫掩房
犬吠屋頭山杳杳
蟲鳴階隙草荒荒
池塘淡日蒹葭冷
籬竹西風橘柚香
六代江山金碧地
斷碑留得管興亡

題古田寺西堂壁

建陽詩鈔

三

傾崖終日倦攀躋
暫借僧廬半日閒
砌下微流走清泚
窗前含籀墮斑斕
風來有徑侵危坐
雲出無心度遠山
勸取高人休玩想
且隨猿鶴臥林間 潭陽文獻

引鏡

引鏡忽自照山野
良足噴定無貂蟬
冠罩此麋鹿姿寒
饑走世路鬚髮冒
蠶絲歸來頗自嘆
久別舍前溪輪與
傍鄰子釣舸弄漣漪
空懷萬卷富徒歎
三剛歆秋原山
杳杳脫葉風披披
早路已相失了取
桑榆西

園鶴

糲米不盈掬羣雀下階除昂昂圃中鶴飯糗不可呼嬉
翔白雲外飲啄青山隅日淡煙水鄉風颺翎羽舒羣雞
汝自况乘軒我何拘秋原忽清淚杳杳聞碧虛志士甘
菽水三四羞猿狙寄語飛鳴侶悠悠差自如

烏鵲

鴉烏鳴屋山平生不爲惡朝鵲噪庭樹一世常牢落安
有喜凶災凶災或無作身貧乏名譽屋漏無愧怍春風
擁黃紉聽汝相嘲謔禍福心悠悠曲肱常自樂

冬雨不止

建陽詩鈔

无

忽忽時節改白日藏光輝重陰潤九野小雨紛微微蒼
山寒氣深高林霜葉稀田家秋成意落落乖所期曠望
獨興懷歲歲愁寒饑事至當復遣且掩荒園扉

讀道書作

巖居秉貞操所慕在元虛清夜眠齋宇終身觀道書形
忘氣自冲性達理不餘於道雖未庶已超名跡拘至樂
存襟懷山水非所娛寄語狂馳子營營竟焉如

秋雨歎

戊午七月陰氣寒重雲低濕天漫漫高簷流渴下簷溢

旅人愁絕居人寬市井滂沱豈足計老農涕泣尤辛酸
兩年巨川舟楫亂田萊風過生微瀾會稽湧溢鑑湖水
黃巖移徙陶下山積骸荒溝如傲屣罔生骨立皮膚乾
秋來黃雲蔽滿野瘦妻弱稚期朝餐誰知造化不可料
恩加魚鼈嬉禾田日光弗覩動逾月瓦鳴晝夜愁珊珊
安得長梯掃氛翳雲漢萬里清光還腐儒撫事泥災變
頻搔白首空鬢鬢

聽鄭三彈雙韻子歌

寒窗積雪生虛明玉壺風折層簷冰朱霞秀色妙公子

建陽詩鈔

三

理絃燈下高亭亭遊絲兩兩掛孤月雙聲應手無留停
月寒壞戶砌蟲泣雲凍出浦邊鴻征蒼蠅撲紙窗欲透
螺贏穴桑兒未成琵琶寬詳雙韻切含悽盡向絃中說
酒酣疏綺雜娛嬉誰道壯夫心更切一從氈毳被山河
學得聲容難辨別鷓鴣金屋沸歌吹鼠頭寶陌行韉韞
帕罽慢舞作彎弧捉耳齶觴真折馘眼前猶聽舊歌辭
鳳韶豈獨鏘虞時罷彈三喟寢不熟風定寒江靜夜悲

遇雨

一雨催時節微涼暑氣通天清雲淡薄山迴日空濛狂

園多餘暇韋編足細窮卻被爲官拙閒處得秋風

聞蟬

悄悄山郭暗故園應掩扉蟬聲深樹起林外夕陽稀

題美人倚樓圖

簷前燕子說春寒蝴蝶悠悠午夢殘睡起高樓多少恨

天涯小雨怯闌干

溪上

煙開曉日照溪頭溪上人家岸下舟啼鳥不知春已老

數聲啼破碧巖幽

默齋集

建陽詩鈔

三

建陽詩鈔成書之明年五月始得先生遺集而一讀焉

欽定

四庫全書簡明目錄謂其詩有晚唐秀致無江湖派之

猥瑣未知卽此本否也異時倘得四庫本較之或

更不止此未可知也宋寶慶初錢塘書肆陳起宗之

能詩凡江湖詩人皆與之善宗之嘗刊集名江湖而

江湖詩人之稿與焉所謂江湖派殆卽此也

劉子寰 字圻父自號篁嶸翁傳詳縣志

題蒙泉

天地有佳水雲氣護深山我愛泓澄好人嫌潤澤慳暗

室鳴滴滴高壁瀉潺潺近塵泥澗何時復此還

潭陽文獻

按此詩亦載熊勿軒先生集

葉味道

初名賀孫以字行更字知道括蒼人後居建陽之后山從朱子遊嘉定間進士歷官秘書著作佐郎傳詳縣志

題武夷

隔竹斜陽喚小舟寥寥天柱訪仙遊
風聲樹杪疑笙鶴
雲氣峰頭見翠虬
凡骨面巖無可蛻
塵容鏡水只包羞
幾時肝膽無羈勒
臥看中天素月秋

游九功

字勉之一字禹成以廕補官累官至寶謨閣直學士清慎廉恪與兄誠之自爲師友平生真體實踐一出於誠故及門皆心服之稱受齋先生傳詳縣志

答黃叔暘

建陽詩鈔

三

冥鴻倦雲飛斂翼退遵渚秋蟲感時至
自野來在宇老
我久合歸溪山況延佇俯此沙水清
面彼煙雲聚壟斷
旣衝衝瀾倒亦詡詡豈無砥中立而不改風雨忽忻遠
寄聲秀句盈章吐璀璨爛寒芒晴空見冰柱頗聞詞場
筆漫然棄如土黃梁枕上過得之亦不處獨行固不移
尤在審去取

絕句

煙翠松林碧玉灣捲簾波影送清寒
任山未必知山好
卻是行人得細看

游氏藏本

游孝本 字道庸

煙波臺

石峭絲千尺溪深釣一竿冥冥秋雨暗滾滾暮煙寒 游氏

藏本

蔡

淵 字伯靜西山先生長子朱子弟子多所著述學者稱節齋先生傳詳縣志

武夷

屈指樞衣四十年自憐鬚鬢已皤然久知軒冕應無分
但覺溪山若有緣下學工夫慚未到先天事業敢輕傳
祇今已飽煙霞疾更乞清溪理釣船 武夷志

建陽詩鈔

三

野行

緩步荒郊外杖藜看耨蓑衣蒙裋褐野飯摘殘蔬雨
過苗花濕雲深草樹疎敲門無犬吠何處覓樵漁

舟中夜行

霞晚臨江岸雲深不見星鳥棲沙篆暗山遠暮鐘鳴燈
火移村色號風度晚聲船窗迷漏鼓獨立向天明 志漫堂

抄

蔡

沈 字仲默西山先生季子從朱子遊所著書傳多發先儒所未言西山謫道州日侍行數千里及其歿也又徒跣護喪歸學者稱九峰先生卒諡文正明正統間詔從祀孔子廟廷傳詳縣志

謹按先生行季而字仲者殆以復齋先生後虞故也

山居

才既非時須性本愛岑寂決策名山遊幽隱遂成癖春
風百花紅秋月千嶂碧煙霞結綢繆猿鳥自疇昔乘閒
撫深曠噴薄轟鐵笛笑把天柱峰高寒幾千尺

隱屏

武夷羣岫高崔嵬隱屏直聳天中開千尋拔地出圭壁
岫岫萬古封蒼苔煙霞舒卷朝夕異日月晝夜東西迴
寒流詰屈抱巖足水清沙碧真蓬萊紫京真人玉爲杯
建陽詩鈔

瓊漿初發葡萄醅醉來披雲臥松月松花點點飄香雪
哀猿絕壁聲更長惆悵懷人逮明發

大隱屏四首

昔子隱屏東扁舟夾雙龍浩歌碧雲間萬壑生清風羣
仙幔亭宴玉女雙髻蓬夕景落寒巖照耀金芙蓉
昔子隱屏西乘間臥幽棲巖花雲端發野鳥林際啼仙
掌神所剗石崖天與齊月華結清夢啁晰聞金雞
昔子隱屏南春風駐征驂開門傍水曲結屋依山嵐千
崖互紆鬱萬象中渾涵居然歲月深寒花路穆穆

昔子隱屏北飄然度巖側誰知神仙居自與塵世隔瑤
草霜更青琪花雪仍白橫玉叫寒雲萬里天一色

俱武夷志

四曲

四曲遊人歎乃歌舊磯千古老漁簑題詩巖下人來往

春兩年年長綠莎

武夷志

西山

紫荆相依倚綠篠自蒙密秋蘭澗中花山果路邊實沿
崗引霜藤臨流坐寒石日暮陰崖開雲收遠山出疎籬
尚存菊荒庭舊垂橘絲桐想虛堂簡策居靜室俯仰今

建陽詩鈔

三五

幾時漫然已陳迹摩挲蒼苔痕屐齒不可識

舊志

劉

塤 字仲馮文安仲子以進士第歷官南安府知府事尋轉參知政事

送縣尹任滿

縣難於百折灘一廉自信不為難心留赤子非要譽
事忤黃堂欲棄官官廨瀟閑如道院吏人清苦類儒冠
錦江碑刻烏臺口留與後人作樣看

蔡

格 字伯至號素軒節齋先生長子傳詳縣志

山居

心遠不妨車馬過地偏常聽風月來參差竹木省清景

唯有梅枝手自栽

隨軒雜錄

熊慶胄

字竹谷少受業於蔡節齋後遊真西山劉靜齋之門傳詳縣志

挽徐吏部應龍二首

南浦簪纓盛西山衣鉢傳純忱儀後進達德邁前賢靜

默嘗聞道安怡偶似禪嗟哉遊汗漫不使侍甘泉

安車駕夷路佩玉造明庭天定歸即位雲開出使星心

嘗思綠野夢不戀青冥千古行藏際豐碑定有銘

浦城縣志

挽劉篁嶼

足跡半天下才名滿縉紳清閒安性分坦率任情真麒

建陽詩鈔

美

解年非戌龍嗟歲在辰先生文未喪有子業能遵

按康熙志作慶胃府志作夢胄福建續志蒲城志作夢渭潭陽文獻分慶胄竹谷為兩人今從萬曆志乾隆通志及蔡氏九儒書熊勿軒先生文集較正

蔡模

字仲覺號覺軒九峰先生長子傳詳縣志

武夷山

絕壑藤蘿貯翠煙水聲咄咄亂峰前時人說但青山好

腸斷雲間雙髻仙

蔡杭

字仲節號久軒九峰先生次子紹定二年進士累官至參知政事卒諡文簡傳詳縣志

遊隱屏

脫略塵世慮仙都共夷猶乘源得風便快楫行扁舟神
仙現奇怪古木橫巖陬振衣萬仞高天風動衣摳巍巍
隱屏峰擎天峙中流良朋論心事撫景悲新秋浩歎復
浩歌一飲還一酬南陽豈終臥東山諒同憂斟酌素有
定今焉試爲籌西風起暝色歸袂不可留去去惜回首
感慨良悠悠

葉

采

字仲圭號平巖淳祐進士傳詳縣志

截句

六六峰前碧玉流經行復此駐蘭舟喚回三紀神仙夢

建陽詩鈔

三七

直上九霄雲漢遊

潭陽文獻

蔡

權

字仲平號靜軒九峰先生季子以兄廕補承務郎授廬峰書院山長傳詳新志

自詠

此題蔡氏九儒書潭陽文獻均作自詠今玩詩意恐題字有脫誤

故居廡山東十載去不還故人廬峰北一念長周旋風
波旣渺藐歲月空推延園池益新好亭館故依然憶昔
紫陽翁亂醉春風前登覽意有會攜提筆如椽銀鈎與
鐵畫燦爛凝蛇蜒至今雕梁上日夕生雲煙觸事多遠
思撫景良獨妍秀色可覽結嵐光渺無邊斯文與斯亭
千古垂不刊

遊西山

洞天杳杳白雲低古木叢陰路欲迷
晝永更無人跡到夜深唯有鳥聲啼
雨昏花下寒侵院風入松間響亂溪

隔宿尋幽心未愜幾人催返日將西
得過軒叢抄

翁道淵 字孟源咸淳七年進士入元不仕與熊勿軒友善

立春

送臘歸何處迎春此際來試看亭外樹花
萼盡爭開潭陽

文獻

熊

禾

字去非號勿軒別號退齋又名鍊字位辛咸淳十年進士授寧武州司戶參軍入元不仕

建陽詩鈔

三

窮心道學所著多精要語嘗論次孔庭從祀諸儒悉中典禮今從之傳詳縣志

武夷訪友 通志

五月涼巾陟翠微竹根香露濕人衣
雲行老樹青猿過雪落長溪白鷺飛
仙邈好花愁急雨同亭芳草怨斜揮
我來只欲平林去細叩先生玉版扉

我來武夷山遠意超千古嘗疑混沌開
疏鑿未經禹坼山猶古梁洪濤莽回互
行舟留大壑營巢餘斷樹垠涯波濤痕
隱隱皆可觀陶然上古民要服固深阻
秦威何桓桓薄海猶廣土六合皆鼎沸
一枝豈寧處嘗言十三

君隱隱避秦侶一日厭塵寰冷然遂高舉上山娛賓雲
下山滿豺虎神仙何渺茫虹橋想虛語桃源亦其類好
事自誇詡風氣日已開蛇斷出真主遂令閩山陬盡入
職方宇漢志名始彰祠堂用魚脯流傳世代久琳宮粲
衣羽至今此方名山號爲神仙府恭惟我遜翁辭闕厥
功溥于焉卜精廬溪山九曲五圖書盡在是斯地儼鄒
魯我以負笈生來茲有年數自慚仁智心未領高深趣
斯遊亦何意會心覲真遇侃侃平生友惠然肯來顧攜
手敦夙好抗志契懷慕嗟我山中遊茲遊適予素巍巍
建陽詩鈔

三

大隱屏屹屹天一柱前瞻晚對亭考槃固其所何當同
心人相與薤榛莽長松期歲寒修竹倚日暮我自愛此
山躊躇不忍去

俱武夷志

越州道中

福建通志作長溪道中

野田秋溜正潺潺新翠喬林繞舍環淡日凝煙橫別浦
斜風吹雨過前山柴扉初放牛羊出漁艇方攜鱗蛤還
自笑平生愛遊覽天教長在水雲間

元詩百一鈔 浙
江通志

崇安縣學立碑

出山未踰月輒復入山去平生武夷志茲遊適真遇誅

茅黨可遂豈但山水趣扶搖欣夙心躊躇動長慮恭惟
文公學倡道匪虛語向微剖析功斯人遂聳瞽齋居一
源嘆此嘆無人悟晚年制作心門人未輕許真實浸沈
寥枝葉漫誇詡漂淪未百年竊據立門戶吾黨固有愆
斯道自今古扶偏須忠臣邪說可無距同志此來遊興
言激予素禮樂愧河汾興唐竟誰予大隱堂前水滔滔
自東注回薄萬古心無言對天柱

寄趙菊東山長三首

錄二首

男兒貴神交何必見顏色大江有佳士夢寐不可得忽

建陽詩鈔

一
罕

來幔亭間片雲不相識媚媚已在眼猶此一水隔
澹然幽貞姿乃是夕英菊托根九秋杪霜露淒已肅我
疑靈均伴只有淵明獨采采黃金花豈意杜陵曲

荒城步月

題疑誤

出門喜清曠興盡喚歸船攜手共明月知心惟老天暮
潮生遠浦秋色滿平田落落男兒事相逢豈偶然

泊舟野望

樹色連雲色春歸物更妍落紅飄近岸新綠漲平川野
鶴窺魚筍沙鷗避客船斜陽江上立搔首意茫然

登昇真巖

仙宮鬱岩堯仰望如升天人生無羽翰凡骨難仙行
險非所願攀高已無緣且安平易道聊以返自然

詠菊

廬峰幾千仞中有雲一龕幽幽遜世人誅茅結爲菴我
嘗造其間追尋極幽探山中滿蘭蕙谷口羅松杉更有
藥圃畦種菊杞與甘療疾還延年未數菊水潭百年未
云久澗草空穆穆我住北澗北子住南澗南偶然此鄰
伴妙處誰能參古來種菊人祇言晉陶潛當年移南村

建陽詩鈔

空

此地何所就亦曰素心人可與共晤談云何舍之去我
懷殊未諳八表方停雲處處逃征驂何如且歸來理此
荒徑三歲晚永爲伴青松冠前巖唐人愛牡丹末俗亦
易酣保此霜下傑毋令澗懷慙萬古晉徵士可使頑夫
廉題作柴桑人綱目書法嚴我欲質巾几白雲滿虛簷
玉融陳心我諸友蕭寺讀書

偶成汗漫遊邂逅得良際畏途日如湯且作旬日憇居
然二三友讀書此蕭寺古人固有之豈意見吾世人生
各有營壯歲多穢氣紛紛陌上兒倥傯名與利借日未

有知蚩蚩事遊戲妖艷東家桃醲鮮西鄰醉北山門雙
陸南園賞新荔誰能空山中作此窮活計滿架先儒書
學成欲何濟真如嚼餘甘泊然味無味是中有何好吃
吃不少置拱手對我言此亦各有志童蒙本無知未省
學何事珍重希賢人爲我重指示蔗境初未佳漸久乃
有嗜況茲得樞承詎敢萌厭棄我聞重欣然疑慮亦隨
繼言之豈云艱守此良非易勇銳亦易能堅苦方可畏
河汾有禮樂興邦房定魏燕山有義方儀儼真世瑞斯
人未云多斯道今豈墜君看春後花臘前已根蒂勗哉

建陽詩鈔

望

記斯言晨夕慎無替

題東坡詩集後

東坡真人再拜當斂衽千古岷峨英浩氣發耿耿用
世固磊落作詩更雄騁熙寧化宜更當國惜已甚胡爲
叫怒叟使我毛髮慄九天忠臣心欲發不暇忍雪堂何
從容人事得盡屏江山拓胸次風月動佳興我觀此時
詩下語已清永晚喫惠州飯晨夕對蔬筍和陶數十篇
習氣脫略盡岷山幾百阻到海渺萬頃公詩每三變每
變輒近正少年縱橫習豈意造此境偶於元寂中佳處

得深省學道便爲真此語吾敢信文固氣所充要在以
理勝洋洋大雅音千載嘆寥泯言詩抑小技所入宜重
慎我詩難示人持此聊自警

與劉治中

弱水流西河水東瞻烏爰止誰雌雄天地方閔何時通
顛倒涵室成仙宮我羨仙人在高空絕粒輕舉乘天風
參養不及真神龍人生剪羽樊籠中名尤利怨方相攻
忽聞海上蓬萊翁卻來幔亭跨長虹願留徜徉羣仙峰
塵寰渺渺知何窮

建陽詩鈔

和詹元咎春光歎

平生不喜桃李春懶隨年少爭芳新堂前酌我金叵羅
春衫縫密恣其仁出郊相逢好朋伴贈我殺羞薦歌管
等閒對客難爲勸強作春妍趁遊衍人言洛陽富春光
我來看花如醉狂蚩堤欲決值連雨著鞭跨馬空自忙
天津一聲來杜宇東君冉冉歸何處春會有歸歸太早
忍見紅荒在塵土歸來山中自閉門落花片片餘荒園
今春只向風雨過傷春懷抱將誰言武陵風景四時有
扁舟徑問桃源叟春來春去總不知賞心一付尋芳友

平江舟中不寐

遠水蕭蕭荻葦風
月明雲外叫孤鴻
丹楓擁被疎篷底
夢斷山深野寺鐘

江干

輕寒無賴入征裘
野水閒雲總是愁
極目遠山橫靄外
數聲鳴櫓過蘋洲

旅舍聞雨

千首宋人絕句作客舍聞雨

青煙著雨傍樓橫
展轉虛窗夢不成
客裏清愁無可奈
臥聽簷溜瀉秋聲

建陽詩鈔

雷

乙酉端午與无咎聯句

時宋亡已七年矣

離騷讀罷意沈沈
沈痛飲狂歌作楚吟
詹魚腹有靈應瞭

目後來猶自有孫心

熊

按勿軒先生爲吾邑埋學名儒入元不仕只稱前進士某今玩此詩及春光歎諸作可以想見其爲人矣脩史者似宜以晉徵士例例之或列之於元蓋亦未之攷耳

蔡亮

字公亮號仁齋西山先生曾孫

題武夷一線天

突兀高崖不可鑄
裂成一字幾何年
當年誰把如椽筆
畫出光明萬古天

元

劉鑑 字子靜號立雪為桂東縣令

與周總管

一水凝寒棹不開 幾人於此欲回思 君卻有扁舟典

半夜直衝風雪來 潭陽文獻

蔣易 字師文從杜清碧遊徧交天下知名士著有鶴田集今可攷者唯此篇及浦城學記送雲莊書院山長序而已傳詳縣志

棘隱菴

翠竹黃花倚棹看 蒼屏仙掌暮雲端 那知棘隱幽棲處

建陽詩鈔

丹井冷風夜夜寒 徐表然武夷志

王佛生 字善父一字子善兩舉不第遂杜門隱居傳建陽詳縣志

東陽昔日好山川 山色川光豁眼前 西岸水連東畝水

南橋煙接北橋煙 錦江酒味香千古 雲谷書聲歇幾年

不信令威時解語 至今城廓獨依然 潭陽文獻 通志

按崇安志引此詩酒味二句以為虞光祖作

朱斨 號逸樺官福建省司都事至正間脩考亭書院嘗可翰林學士虞文靖為記

政和縣謁承事府君墓

鬱鬱佳城二百年 一回瞻拜一潸然 掃種松來

一作松來

借僧家路薦藻猶收縣尉田春水池塘添驟雨夕陽巖
樹抹橫煙芒鞋竹杖無由一作識深愧絃歌失舊傳潭陽

文獻
按閩省通志載此詩為朱坻作

明

丁顯字彥偉洪武十八年擢進士第一人授修撰以獲譴死馴象衛故德業文章無聞焉傳詳

縣志

題蘭窗

公子善居室猗蘭蔚東窗素榮挹輕露冷風振芬芳流
玩引日夕恍若臨沅湘豈不艷桃李懿茲王者香況逢

建陽詩鈔

異

同心友結佩森翺翔嘉名既云錫詠言列篇章持謝二

三子德馨尚無忘雙槐歲抄

退朝詩

清時承詔拜金門閭闔晴開曙色分宮殿雲深迷鳳翥
旌旗風暖動龍紋恩沾下界歡謠遍道濟中州德化聞

自揆愚庸蒙至渥願殫忠赤報明君經世宏辭

王慶字仕俊縣坊西清人元時佛生長孫工詩文與建安楊少傅榮友善少傅欲薦之仕俊復

以牛詩乃已傳詳縣志

詠牛詩復建安楊少傅

寥寥殘喘思悠悠堪嘆西山一老牛賢相間時當要道
逸民飲處擇清流山川勿用方駢角田野那堪似畫頭
秋草離離秋水冷恩深牧養力難酬

丁

慈字念茲景泰五年進士歷官河南僉事傳詳縣志

送張御史善致政還鄉

十年林壑養沈疴整佩重來謁禁坡獬豸班中朋輩少
鳳凰池上聖恩多雲山忽入新秋夢驄馬還從舊路過
泛泛五湖風景好畫船明月聽漁歌

浦城縣志

王申字

建陽詩鈔

七

贈游必舉

游連生二女作湯餅會至第三女慚不招客王贈詩云云

數年生女必相邀今席如何不見招但願君家常弄瓦
弄來弄去弄成窰

笑史

邱

福字景疇正統九年舉人官永教諭

立雪堂詩

當年立雪果何如參侍先生聽講初口授心傳端軌範
耳提面命肅襟裾出門未讓羣賢後平地曾看一尺餘
猶有鳶山祠廟在子孫相繼讀餘書

潭陽文獻

王祐

字彥貞興上里人傳詳縣志

唐科八詠之一

仙巖隱鏡

仙巖深窈澗壑濼洄茆茨雞犬梵宇樓臺桃花爛熳猿
鶴徘徊牛嶺西度露掌中開陰崖松竹紫翠崔嵬劇藥
沿流境絕氛埃時聞天籟恍在蓬萊安得玉喬乘風歸
來

縣志

江

灝 字漢文貢生大名府推官

邯鄲道上

門外風號思悄然遊人欹枕不成眠今宵難熟黃粱夢
未必風流四十年

建陽詩鈔

吳

吳

浩 字元養天順間由國子生授廣東肇慶府經歷嘗築四會新興二邑城隨總戎顏彪征廣

西後致仕卒

題朱厲夫尊道堂

紫陽道學足為宗楚楚雲仍紹遠風每向事為加謹省
肯於日月急磨礱天靈泰處織埃盡人欲消時萬理充
揭此顏堂常黽勉鳶飛魚躍趣無窮

潭陽文獻

邱

臺 字茂方號方齋子野八世孫

我愛考亭居首尾吟四首

邱為文公七世孫朱璽之婿因徙居考亭

我愛考亭居結茅匙澗隅催耕憑布穀勸飲聽提壺富

貴百年事清閒一丈夫此中多勝槩我愛考亭居

我愛考亭居詒謀一草廬遺安田負郭教子架多書匙澗泉聲遠方塘雲影舒閒吟聊自適我愛考亭居

我愛考亭居人人君子儒相逢談道義並坐講唐虞觸景吟無盡安貧樂有餘生涯只如此我愛考亭居

我愛考亭居安然樂有餘滄洲漁火夜茅屋醉吟初世事是非少人情來往疎寄言謝塵俗我愛考亭居

張

敏

字汝學沙溪橫渠十九世孫嘉靖七年戊子科舉人

自五曲出謁九峰

建陽詩鈔

晁

草閣橫空飛白雲亂花流水畫云云東南一柱看孤起神鬼重關杳不分好古徧遊山水窟抱經直究古今文紫陽宮倚蒼屏好出到溪頭又遇君

北京雜詠

御河水泮透張灣楊柳微青弄曉寒涿鹿祇今雙建國盧龍極北限諸番風塵南望真千里山海天成此一關卻笑賈生輕動哭高才容得幾人閒

同諸生登寒泉山

長林當晝灑飛泉山半重重盡水田石鼓到今經數世

青山屬我幾多年，斷虹飛去蒼天出。新竹成行碧嶂前。

我自欲留君莫問，爲僧指點野狐禪。

潭陽文獻

游壁

字仕良，廬山先生十一世孫。

立雪齋詩

孔孟去逾遠，楊墨何縱橫。善治與真儒，其事誰能明。斯
文幸未喪，篤生周暨程。傳授伊洛間，宇宙仍擴清。游楊
同請益，侍立惟一誠。函文瞑目坐，六出嘉瑞呈。顧謂暮
且休，所積四野盈。道南致別嘆，淵源杳難名。傳之紫陽
翁，允矣集大成。立言應不朽，萬古侔日星。

建陽詩鈔

五

朱

凌

字原冲，文公十一世孫。嘉靖辛丑進士官至陝西僉事，傳詳縣志。

送七峰弟北行

煙樹滿江秋，多君萬里遊。本圖鴻鵠志，肯作稻粱謀。寶
劍衝星發，仙槎破浪流。臨岐一尊酒，兒女勿含愁。

潭陽文獻

朱用圭

字原信，號七峰。原聚弟嘉靖乙未恩貢，任滁

登建寧黃華樓

環城十里鎖峰巒，拔地層巖紫翠盤。天上風雲殊變態，
江南形勝此奇觀。笙歌遠並松聲發，鶴鶴低隨晚照還。
多少使君登覽遍，巡簷曾望五雲端。

潭陽文獻

王維文

建溪八詠

錄四首

春到城西第幾家遊人笑指武陵霞樓臺聽說當年事

二月猶開滿筵花

雙溪賦月

襟帶溪流漾碧潭漁船沽酒興初酣等閑天上一輪月

笑向溪頭竟得三

錦江夜釣

徜徉何事不相宜掌上絲綸待阿誰是處有人貪喚酒

錦江東畔月明時

開福晨鐘

子夜曾聞到客船黃梁撞破韻猶傳數聲鼓角城頭曙

建陽詩鈔

五

正是殘星半曉天

縣志

張璿

字汝齊嘉靖丁酉科舉人歷官長沙府同知

追和朱子武夷櫂歌十首

錄二首

武夷宮外駕仙船二水交流混一川峽折灘迴山色見

黃旗紫蓋繞晴煙

名山奇崛自天開一水波流抱岸洄怪石煙籠成砥柱

晴光時照島中來

麻沙十詠

錄三首

梵刹荒涼不記年溪流還是舊潺湲敢英閣上凭欄聽

祇園溪聲

似帶書聲與管絃

煙村春雨

花拂高牆柳拂煙微風吹雨過山前曲欄門巷鳥聲碎

春在田園又一天

松岡夜濤

誰植虬松尺百喬蟠蒼結翠蔽青霄有時風入濤聲壯

疑是錢塘夜湧潮

七月朔日陪林石海遊靈峰寺次黃翠巖韻

截句

偶爾尋幽剔薜蘿半溪流漾秋波風花片片黏衣亂
晴霧濛濛滴翠多

林墩道中

截句

建陽詩鈔

五

行過高亭又小樓晚霧陰濃萬樹稠自是東君嫌太媚
故教微雨溼征裘

石牛道上

山田流水漲新痕茅屋炊煙散曉村松影半陰初日淡
花香微動午風溫石牛斜出雙原合鐵馬高臨一寺昏
爲憇郵亭頻折柳帶將春色過江門

臘日歸田

臘日寒陰鎖不開冲風野鳥自飛回凍雲籠樹驕紅日
淺水流漸露碧苔千里舟輕悲歲暮一枝梅放覺春來

休嫌白首馳驅急許國初心未肯灰

俱潭陽文獻

李有則

字子彛嘉靖己酉科舉人官順德縣知縣傳詳縣志

武夷

弱水沈羽毛蓬萊隔塵路雖無長鯨波猶自濛煙霧仙人非室居形成緣氣聚閉戶可採藥何必容顏遇凡心萬劫逃神理千年悟日與仙人居何益夢與寤武夷鍾靈奇蛻骨堪指數

字謀讀

古洞遺丹爐寒灰尚如故瞻望諒匪遙步趨恐遲暮願將元秘理輔世還太素歸來鍊丹砂愈坐瓊宮樹

建陽詩鈔

五

陳嘉謨

字顯卿嘉靖壬子科舉人官清遠縣知縣以撫賊許恩有功特擢高州府通判

同見齋環江二同年遊武夷用環江韻

控鶴仙人去不回白雲千載憑山隈洞簫嘹亮聲猶昔仙蹟分明骨未灰溪鳥有情時出沒巖花無語自殘開何人並上天游頂笑覽羣峰覆幾堆

題董蓉山九曲春風建溪杏雨圖

朱紱銀章帝命新紫芝樓上鳳凰鳴監州共領專城鑰佐郡兼銷薄海兵建水春風龍驥健杏花時雨孔壇清
雄飛此別天衢遠願替鴻圖翼太平

俱潭陽文獻

朱奎

字原聚號東澗文公十一世孫嘉靖丁巳歲貢生累官至廣西思恩府經歷

獨坐

離家經半載萬里赴長安獨坐思諸弟窮途守一官秋

高風入戶夜寂被生寒何日歸鄉井憑尊看藥欄

潭陽文獻

江龍

字世霖嘉靖三十四年乙卯舉人歷官高州府同知傳詳縣志

經謝疊山先生賣卜處

南來驚白雁秋色滿中華海泊曾無地冬青詎作花怕

聽遺老話誰種故侯瓜一片潭溪土千秋屬趙家

朱秉鈇

字未詳游氏藏書作鐵

建陽詩鈔

廌山夕照

廌山含暮景返照客登臺草色煙光淡林鴉次第來

無名氏

麻沙八詠

府志作建陽八詠 錄二首

望斷高峰眼不花箇中彷彿認人家情知一樣青山色

纔有斜陽景更佳

山染煙光弄晚嵐幾多碧色映寒潭篆煙消盡金鑪冷

雲滿巖前月滿菴

縣志 府志

按蔡氏九儒書載此為文節公作

江騰鯨 字子潛三桂里人隆慶元年舉人累官至重慶府知府傳詳縣志

橫山

橫山西畔幾人家楊柳青青一半斜不道江城如畫裏

滿溪春水漾桃花

雪

朔風吹到碧山頭十二珠簾不上鉤南岸梅花開盡否

思量鶴筆上孤舟

岳王墳

三字莫須有胡風不以驕片心長耿耿五國自遙遙

建陽詩鈔

奪黃龍府魂傷白膠謠冬青還飲恨空捲海門潮

劉芳

書林八詠 錄一首

平分秋色望長空玉兔清光處處同惟有雲衢深夜月

碧波倒影掛梁中 縣志

彭銅

谿南八詠 錄一首

一畝南園隔市廛籬籬環護若城堅枯槁曉掛松梢月

藜杖時挑石罇泉詩菲裁來春不老桑麻望裏色彌鮮

當年饁餉如賓禮顧我慚非冀缺賢

縣志

潭陽文獻

李琢

粵城八詠

錄一首

故城春色

愛此山城景春來色倍新著花濃似酒染草翠如茵明
媚當晴晝熹微向曉晨不妨浮野外勾引踏青人

縣志

楚陽詩鈔

美

302

